

docriver 文川网
入駐商家
在文川网搜索古籍书城 获取电子书

中國方志叢書·華中地方·第一五號

據

清·韓佩金等修·張文虎等纂
清·光緒四年刊本

影印

江蘇省

奉賢縣志 (一)

成文出版社有限公司印行



中國方志叢書·華中地方·第一五號

據

清·韓佩金等修·張文虎等纂
光緒四年刊本

影印

江蘇省

奉賢縣志

(一)

成文出版社有限公司印行



10105981

8219367

中國方志叢書·華中地方·第一五號

據

清·韓佩金等修·張文虎等纂
清·光緒四年刊本

影印

江蘇省

奉賢縣志
(三)

成文出版社有限公司印行



10105982

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年 月壹一版

奉賢縣志

全三冊

發行人：黃 成 助

出版者：成文出版社有限公司
台北郵政信箱二二六〇五號

台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內服台業字第一一四七號

縣

重

志

備

奉

賢


光緒庚子年
志書同開

重修奉賢縣志序

奉賢縣相傳以言子得名謂言子嘗至其地邑人相與奉之也言子述聖人之言曰君子學道則愛人小人學道則易使也其時言子宰武城耳斯言也宰天下之道豈外是哉夫愛人非僅煦嫗噢咻之謂拔稂去莠以衛嘉穀愛之至也風草之機捷於影響上盡其道則下致其情民知上之愛我如是其不能逕致而又必委曲以成之也乃莫不感發其固有之良尊君親長卽上所望於民者而胥勉之以此宰天下烏有不治者況一邑耶言子一履其地邑之人稱道弗衰且引而名之以爲重好德之心如是其不可

以已也然則宰是邑者苟克盡夫爲上之道民之奉之者
又當何如也光緒三年秋奉賢重修縣志成邑令韓君佩
金以序請余卽其得名之義引伸之以告宰是邑者

光緒戊寅夏五督兩江使者侯官沈葆楨謹序



重修奉賢縣志序

奉賢縣舊華亭東南境明洪武間置青村所守禦千戶場
金山衛雍正四年析華亭之半置奉賢縣因青村堡之舊
爲治所東南兩面逼近海塘西至柘林界迤邐而南北至
南匯又稍折而東繡壤相錯廣表百里乾隆二十一年知縣
涂擴因華亭舊志搜采潤色創纂志書輯成建置物產民
風犖然各具迄今百載志板久燬又遭粵寇之亂典籍淪
湮老成宿學零落殆盡當事者苦蒐討之難顧於難爲功
者而補苴之掇拾之亦舉廢者所亟亟焉不遑終日焉茲
牧令韓佩金以所成書二十卷請爲序竊嘉其十餘年來

有志纂修而今得與邦人士樂觀其成也是爲序

光緒四年歲次戊寅春二月撫吳使者吳元炳謹序

重修奉賢縣志序

奉賢舊爲青村堡隸華亭明洪武時置守禦千戶屬金山衛嘉靖間築城備倭設重鎮焉

國朝雍正四年析華亭置爲縣因堡城之舊增墉浚濠遂建縣治乾隆二十年知縣涂公擴取華亭舊志創纂志書疆域建置物產民風犁然各具迄今又百餘年矣兵燹之後疆域如故也建志如故也而物產民風有不能無今昔之殊者奉賢地多產棉道光間棉值昂貴每擔率十數緡今且不及十之三四小民終歲勤動無所獲利海塘以外之地向歸兩浙鹽場青村場產鹽最旺近則浙商不至鹽

無銷路課稅不充竈戶亦因此物產之利今不如昔也松江爲人文萃薈之區奉賢先達如黃石牧陳桂堂朱半畦諸先生皆卓然爲一方之望近今以來未有起而繼之者蓋自遭烽火閭閻離散詩書之澤不能及遠每歲科試士恆不足三百人幾於十取一焉成名愈易而學愈難士風之降民風之憂也是在有以振興之鼓舞之耳孔子有言曰富曰教二者治道之大源也奉賢之得名者相傳言子嘗至斯地爲奉言子之賢也言子述孔子之言曰君子學道則愛人小人學道則易使所願守此土者卽此二語深加意焉其於治道不有本原乎志書之修也始事於同治

九年庚午歲事於光緒三年丁丑凡為書二十卷知縣事
者為韓君佩金書既成請序於方鈞因述其都較如此
光緒四年歲次戊寅夏五月護理江蘇巡撫布政使司勒
方鈞謹序

重修奉賢縣志序

昔人有言修史之難無出於志邑志猶史志也私家撰述以網羅該備爲難官纂之書則成之非一人之手雜收歧出漏畧尤多或任事者先後更代意見各殊憑臆傳訛見譏大雅求其盡善益難之又難近代志書若康對山之武功陸清獻之靈壽著錄家多爲推許然或專重藝文或博收金石宗尙不一無以厭徵文考獻之心則名爲官書亦一家之言而已奉賢舊隸華亭明嘉靖間築城備倭名書

邨堡

國朝雍正四年析華亭之地因村堡之城建立縣治未有

專志至乾隆二十年邑令涂君擴因華亭舊志參稽增訂
犁然成書而百餘年來無有踵其事者粵寇之亂老成掌
故蕩焉無存蓋修舉之難視他邑爲尤甚矣韓君佩金今
宰是邑前此兩權縣事嘗有事纂修久而未集今大中丞
吳公將重修江南通志旣以縣志屬縣復檄太守龔君壽
圖董松江一府之成韓君奉承嘉命幸墜典之將舉因舊
緒之可尋遂復禮延儒生蒼萃文藝泐爲成書釐卷二十
將付剞劂問序於余余緡誦大畧則義例之精審類目之
賅洽凡雜收歧出憑臆傳訛之病庶幾免矣而兵食教養
官政民俗犖犖大者今昔變易之迹時會盛衰之原秩然

docsriver 文川网
入驻商家 古籍书城

在文川网搜索古籍书城 获取更多电子书

鹽陝如指諸掌其自來官出所修前志實之否之事家何
多讓焉夫凡事之成均有其時而人事之至則際會亦相
因而相需奉賢縣志自涂君初舉嗣響寂然此百餘年中
身平樂利文物修明攷訂之易視今倍蕪徒以官其地者
視如傳舍不復措意上無提儆之責下鮮同志之助遂使
名邦文獻幾就湮沈今乃於燹虜甫復之餘事勢變遷之
後參互同異掇拾叢殘事雖難於前修而業乃懋於曩典
是皆我中丞公修廢舉墜之盛心任賢使能太守龔君通
才兼綜而韓君乃得藉手以竟前志俾同官者亦樂觀厥
成也雖曰時會之適然將所謂人存政舉者豈不信哉豈

不信哉

光緒四年戊寅正月布政使銜署理蘇松太兵備道海關
監督貴池劉瑞芬序

重修奉賢縣志序

穆宗毅皇帝卽位之元年官兵克復奉賢二閱月御金奉憲檄撰篆青村時軍務初平民物彫敝諸廢繼舉勉強經營邑人士來覓者咸謂奉邑於雍正四年分縣乾隆二十年初纂志書迄今已逾百載不卽摻羅散失闕佚彌多予心憐之而經費維艱未遑興辦心滋歉焉閱四年戊辰予復承乏此間言者逾眾竊念修志以采訪事蹟爲最要百年之久而中更兵燹誠慮老成凋謝文獻無徵因擇紳士之熟事故勤蒐討者授以舊志門類俾各就聞見據事直書初僅二十餘人而城鄉略備期無遺濫而已會予以瓜期

再至受代去又八年丁丑復蒙補授斯缺至則采訪者已
有成編而分纂參校者未經蒞事他如水利鹽法之未確
人物姓字之或譌端緒紛繁猝難編定方是時大憲將修
省志蘇松等郡皆委員駐局督催勢不可緩佩金因與在
事諸君子約以半歲爲期諸君子亦復昕夕從事不辭勞
勩幸於九月告成事雖繁述其常也惟念辛酉粵賊之變
士民之殉義閨閣之捐軀廟宇官署之毀而復建城鄉市
鎮之變易舊觀此分縣以來未有之變也松人苦賦重久
矣自明以來垂五百年我

朝

列聖屢議蠲減

穆宗毅皇帝奉

兩宮皇太后懿旨 特許減賦數十萬石而奉邑亦得分

別科則仰沐

恩施尤爲曠古難覩之遭觀於士庶之兼義不撓仰答

君父者如彼

國家之因時制宜惠養黎庶又如此然則都人士宜如何
守身學道蔚爲

國華而官斯土者宜如何律已奉公黽勉職事也乎夫志

者志往所以勸來 佩金 既以自勉尤有厚望於來茲云

光緒二年歲次丁丑九月下浣知奉賢縣事蕭山韓佩金
撰

凡例

一奉志創修於乾隆甲戌迄今歲次再周僻在海隅中更
寇亂無論私家著撰尠有留存卽官署案牘亦多遺失
老成凋謝文獻無徵此雖七邑差同而前後相望遠近
較殊則難易迥別且當事屢易意見不同經費支絀旋
作旋止比與諸君子重整規條急功蒞事或有謬漏明
者諒諸

一舊志十卷分類三十有七不立子目似未明析今總爲
十五目而析子目爲八十一以便檢尋

一分野之說昔人已疑之徵之西學尤見其謬且以古揚

州之域之大而一邑當之陋矣前志猶拘舊例今不復贅

一志地首重疆域舊志開卷四至遠近全不相應今據嘉慶府志考定四境而次以區畧其市鎮橋梁盛衰增減今昔異形皆據今所采訪參定津渡亦橋梁之類舊志失載今補於後

一邑城本明洪武年湯和所築青村所城也舊志誤從金山衛志屬之安慶侯仇成嘉慶府志已辨之今據以改正而不復置辨

一社倉舊止兩所而今增爲八豐備倉諸公所皆起道光

以後舊志所未及也今舊志亦未嘗載此等事新志亦未嘗載此等事以備稽考

一田賦額徵並承舊志其間屢次坍荒請豁及蒙

恩減免竝据案續載鹽法一類舊志甚略今据嘉慶府志及浙江新修鹽法志增補惟兵燹之後案冊散佚無從徵考疑者闕之

一水道通塞隨時更變非紙上空談所能爲功今備舟輿親歷徧訪務得其實詳載其所歷畝分河身長短及頂濬各畝之具有成案者免開濬時紛紛聚訟視舊志爲審矣

一邑城之有 文廟自乾隆二十五年始迨咸豐十一年燬於粵賊同治初元經營重建擴充舊制前後創修之功蓋略相等書院義塾社學鄉約皆學校之輔資興所以鼓舞寒士舊時惟有潘塾西岡兩義塾餘皆起自嘉慶以後前志所未及今備詳其緣起凡有碑記田畝謹載無遺

一郡邑所在宜廟祀城隍之神而民俗不察鄉鎮土地皆冒其名舊志論之矣至關帝神之類亦復所在立廟其敬也適所以爲瀆也采訪所及不勝備載今以邑城爲主餘皆類附宗祠義田足爲一邑觀感仍依舊志繫末

一官司例志名籍及蒞任年分而縣丞以下或以年久不
得其詳則闕之政績卽名宦也名宦者統言之政績者
質言之卷帙相連俾易檢覈猶前志之意

一武備與文治竝重而序有先後舊志兵防先於職官而
都司以下題名又雜入文職似失其倫今志營汛次於
官司自道光以來營制屢改皆詳著之而各弁題名卽
繫於後與文職一例

一明自洪武十七年始定以子午卯酉年鄉試辰戌丑未
年會試 國朝因之惟

恩科不以此限明以前則未有定例也今志選舉皆以歲

名爲紀者取歸一例以免參差

一選舉志分縣以前以地爲斷其後有遷徙者從其朔舊志闕載者補之武科進士舉人舊志雜出今亦分隸例仕亦懷才欲試之一途封贈者子孫報本之思祿廕者朝廷勸忠之典竝志之以備掌故

一自漢書并史記世家列傳爲一皆名之曰傳後世修史者因之舊志獨於入仕者表爲列傳則誤效史記其儒林以下諸傳多與題不稱獨行雜傳二目則又誤效後漢書及五代史也今悉案其人其事分別改題刪列傳之名而分爲政績儒林文苑忠義孝友行誼隱逸術藝

docsriver 文川网
入驻商家 古籍书城

在文川网搜索古籍书城 获取更多电子书

流寓九目概爲人物志云

一自咸豐十年迄同治元年粵匪之難死者不勝紀當事
設立忠義局皆得詳報請 旌茲據采訪登載其同時
被害者以次類敘殺賊罵賊拒賊者在前列奔走遷避不
及而死者次之概以忠義從憲令也

一列女亦人物之一而卷帙較繁別爲之志分爲九類孝
養翁姑者爲節孝不逮事翁姑而撫孤者爲節義無孤
可撫而守節終身者爲苦節未嫁守貞者爲貞節捐生
殉難者爲節烈矢志養親而不嫁者爲貞孝室女殉節
者爲烈女至婦女多才每自韜晦壽母惟城市大家者

人知之鄉僻之區往往湮沒據采訪所得志之未信無遺漏也

一藝文例以經史子集爲綱舊志雜出殊乖體制至濫輯詩文則修志而兼操選政矣今不從

一古蹟第宅園林坊表冢墓皆志所宜載舊志以古蹟附山川夫邑境無山名非其實川則自有水利一門何爲重出今概爲遺蹟義冢無類可歸仍附冢墓之後舊志多載詩文詞賦今見其關於考證者著之

一松郡七邑風俗物產大略相同惟奉上下南三邑多蒔吉貝女紅以織作爲主故載之較詳